

Return d'ina giuvna «veglia vulp»

35avel Top Pop Rumantsch

■ (rtr) Il 35avel Top Pop Rumantsch deriva da Dario Widmer – il renumà giuven rockadur engiadinais. Il nov Top Pop Rumantsch porta il titel «Algordanzas» e vegn preschentà per l'emprima giada oz venderdi, ils 10-01-2014 tranter las 07.00 e las 08.00 al Radio Rumantsch. A partir da las 11.00 datti lura anc in'intervista cun Dario Widmer live en il studio da RTR. Era sch'el ha strusch 25 onns pon ins considerar *Dario Widmer* sco ina «veglia vulp» dal rock rumantsch. Sut ses surnum



Dario Widmer. MAD

d'art Spinfire ha il giuven Engiadinais publicità gia dus albums ch'han gì grond resun er ordvart la Rumantschia. Cun la gruppa dal medem num ha el absolvi ils ultims trais onns passa 100 concerts per tut la Svizra enturn e sia chanzun «Sentimaints» dal 2010 ha gì ina bella rotaziun sin las undas da l'anterieur radio DRS 3. Sia participaziun al Top Pop vala dentant sco ina embratschada da la scena indigena, ina scena ch'al stat ferm a cor e ch'al ha adina puspè ispirà. La lingua rumantscha saja per el il

meglier med per exprimer sentiments, da l'allegria enfin la tristezza, di il musicist ch'è creschì si a Zernez ed abitescha oz a Scuol. A quella lingua ed a sia patria deditgescha Dario Widmer ses Top Pop «Algordanzas», ina pitschna skizza da return, che culminescha en in chor imnic, megaradiofonic, tegnì en la tempra «indie». In chor ch'annunzia quasi er il novissim album dal premurà rockadur, registrà cun sia nova band – quest terz album «#followme» duai cumparair las proximas emnas.